

白

榆

集

屠赤水白榆集序

江夏丁應泰

當嘉靖間六七大夫修西京
之業

闢下魁然以理義之文應薄
海內外想聞其年采天不慙

遺李侯早世不佞不及濟南
泛鄉曲而習下雉從公車而
得弇州從筮仕而親太函三
君子去油然而下不佞為之
遜席者屢矣不佞今新都且
久而狎侍太函太函每誇藝

臚數海內諸名家輒首及雲
杜本寧李先生東海長鄉屬
先生云二先生先後入新都
締白榆社而長鄉且再至尋
筭其所著業而質太函太函
素之忻然任為序社中生程

元方伯仲任剗剗行焉南鳩
工而司馬下世擇人且歎去
元方不但已也司馬有成言
益替之踰年而告成事元方
貶書不佞太函類矣弁山靛
靛先後崩且坵誰為導白輸

集老夫子固有嘉乎記余竄
長外海陽允澍月日呼酒竟夕
語交則自卦畫典墳索丘左史
傳語肇自三五以及先秦西
京建安閣元升降之格諸子
百家之旨以至二氏經緯之

昔五金八石藥物是極山川
之司靈鬼神之情狀元會運
世之終始通叩而通得之莽
不可以窮詰長鄉又銳於思
而饒於材寡寡教語結構自
真象頃刻萬言淋漓自喜以立

取而立龜母所躡於楮腐於
毫夫非人傑之絕資作書之極
則乎哉今其集具在分部者二
分卷者二十計字者餘億萬騷
賦似揚枚五言古凌三曹出二
譙次沿六朝七言歌行出樂府

時本白之致近體五七言律
美神律備具大曆諸子詩餘詞
餘絕類宋元序記疏啓表議
榮論碑銘贊傳哀誄之文出
東西京書牘出左國而放于漢
魏齋所不缺而有也長卿具此

亦足以雄矣長如兩為令善備
良以不能附會僅得入為郎為
典客已在額乃甘心中之長卿
罷矣長以矢後事姦生之學攝
玄言希太上而既爾夷然故吾
中無幾微動僂乎采真行遊

蓋自落穆世外菲萋之六安所
冒長鄉也不幾于益首陽而騶
柳下者耶嗟乎太函終而嘉靖
間六七大夫且盡

熙朝之人文無餘矣幸而才如
長卿後獲棄之牢騷闕寐之鄉

早躓而晚達遠出六七大夫下
豈文章之為賈窮里哉文以窮
而後工亦以工而後傳窮何病焉
祇以成長鄉之不朽而已本寧
李先生業已退耕江漢文人多
窮固非君語余譚序長鄉集而質

之李先生庶幾乎太函無浮譽
哉元方伯仲急太函於沒而急長
卿於窮浩然行其集而無私帳中之
秘其陳義亦良足重矣是為序

萬曆庚子皓日

白榆集序

新都程涓巨源著

東海屠長卿先生故藉諸生稱古
文辭傾海內作者既上公車兩拜
剡縣令於時懸書邑國為由拳篋
峨、乎高者躡九峰津津乎深者

潤三泖斐然成一家言及先生以
治行高等拜為主客郎薄海內外
爭趨先生京師總持風雅其門如
市忌者願得而甘心中之於是絕
纓疑而滅燭籙先生以道民行矣
于時笑而傳之于越為栖真集彬

之乎而富宗廟百官飄々乎而超
遊仙巖壑卓然多大方之家言先
生既堅自罷而居常修古罕今屬
辭不廢寤寐三天子由東海而訴
新都始至則講業太函繼至則乞
靈素岳恣篋先後所就業質成司

馬而社白榆是為白榆集訣：乎
視由拳則絜大瑟瑟手觀極真則
較精犁然鼓吹衆氏而錯出百家
言司馬氏亞多之以屬余宗太學
元方伯仲梓而精焉謂不惠消序
矣不惠譏不教而司馬固命之余

固自有導也欲以生質也生好言
屠先生先生何脩而得此哉不惠
辭不獲敬起而颺言語有之天不
人不因人不天不成先生所因而
成者畢有合也

國家稽古若文直將超漢唐而比

虞夏著作代有興焉天造之初臣
論已一盛于成弘再盛于德靖海
內靡然向風至隆萬之間六七大
夫勃然起盛矣矣茂以加矣資
適逢世是文章乘王氣時也著述
述起薦紳炳然多經世之業由是

尸祝古先糠粃近代祖騷禘選薄
宋黜元重熙累洽中外相應時則
優為之矣天地美秀之氣盛于東
南而迫盡乎江海先生家甬江之
北大江四面環抱海門之秀奔溥
雄結寡廓濬濶之靈寔鍾焉其斯

以王百谷滙隩區俊民豪賢比屋
接軫震旦文明之城所鳩聚而醞
釀者詎不為先生勛耶夫人幼學
而困帖括壯行而困功令及免官而
計無復之困于自廢魄然著作之
迹睡乎其後望之然去之矣先生

治博士業故有雋聲為令之名為
郎之名早服重積學靡替即櫻
不根之謗而益務不厭之勤居常
恥為豪舉歆然自下即其操行聲
聲亡急近名嚴事則推先進獎拔
則急末流師資麗澤庶幾論世而

遍寓內已無所靳其交人無所愛
其情矣稽時則如彼揆地則如此
取人則修益若是其無方天因而人
成先生脩此三者固全也文不在
茲乎先生早負重名文采風流照
耀海內海內計以為有七賢六逸

風致即而就之則恂々然木彊少
文易簡而已嘿存而已跡先生名者
猶然疑于市席習先生狎者雖有
三至之言若風馬牛不相及席豹
來田飭駟虞而獫狁之矣文人多
阨固當先生且也先生晚而紳友

造化冥心太上睢、盱、儵、參、混
沌雖有毀譽置之兩忘純白備而
不居正常解而使去安事沾、雜
組為也即由拳棲真白榆三獾者
鼎立而並行不帝萬狗視之耳于
先生何有哉有以觀竅無以觀妙

計以有無之間就心司馬司馬當
別有眇論持烏不惠消生也賤交
先生淺而深得其為人不避不文
叙其大槩若此言已足為先生重
而祇毋為先生贅矣

萬曆庚子春正月吉

白榆集目錄

卷之一

賦

明月榭賦

逍遙子賦

五言古詩

遊仙詩

衆芳亭燕坐

紫煙閣

青谿泛舟

聞周元孚至自楚却寄

詠懷詩四首

廷尉

宗伯

學憲

道印

寄荅汪畏文

寄荅劉子威侍御

寄曾大司空

送同伯孝廉北上公車

留別王敬美道丈二首

夜宿恬憺觀二首

春日風雪過開之綺雲館作

登彭城子房山與仲文

遼陽曲四首

送曾子健侍御左遷還吉水

贈湯義仍進士

圮橋進履圖爲胡民部賦

春夜雙寺看月

宿雙寺

由虎跑散步入三天竺

登吳山宮觀眺羅剎江

送王蓋竹先生還天台

奉送蔡師出按淮陽

送羊子豫侍御出按江南

紫陽庵作

東湖宿大慈寺

大伾山莊詩

寄沈士範因憶先太史君典

送孫文融扶太夫人喪還勾餘

贈張洪陽司成四首

范生詩

荅贈程元方

荅贈程思玄

荅贈程延清

寄左司馬汪伯玉先生

卷之二

七言古詩

荆堂篇寄壽程母戚晚邵太夫人六十壽劬

祠

西泠歌贈陸君策

容膝軒爲喻邦相賦

讀蕭諫議使琉球錄歌

送趙兼父侍御請告還金華

邵伯湖

寄瞿生甲

卯上澄照寺作

李之文落第詩以慰之

贈伯英諸孫

言和叔

元夕集王使君宅觀燈

贈文長諸孫

贈李之芳

贈崑崙山人遊天台訪顏益卿使君

贈方衆父

贈陳道醇

贈張長輿

王余峰爲其友人崑泉居士索詩賦此

山中吟

題范太僕天平山圖

虎頭孫子歌贈顧仲方秘書

赤帝玄夷歌贈黃白仲

寄左司馬汪伯玉先生

贈龍君善

秋夜同郭舜舉蔡伯華王季孺金玄明庶政
叔燕萬伯修宅聽李金五琵琶

排空歌贈余宗漢山人

題李龍眠畫十八學士圖

石雪山人歌寄贈汪長文

寄贈楊伯翼

青霞山人歌爲王父吾

于燕芳年二十以布衣上書自稱華亭民余
讀未竟色動亟命召入相見信有正乎之

才索予以長牋答之不許復索長歌
許無何折節閉門讀書不與外事者

余聞而贈此

留別元美先生

南滁大雪歌

贈王季孺孝廉

長歌行贈萬丘澤武選

彭城歌贈姜使君仲文

沛縣登歌風臺弔漢高祖

任城登太白酒榭

劉御史歌

去婦歸爲趙汝師太史作

彭城姜使君邀登蘇子瞻放鶴亭作

卷之三

七言古詩

公子行贈宋西寧忠甫

薊門行贈益卿使君

青谿道士吟留別京邑諸游好

挑花嶺歌爲楊太宰賦

送顏質卿舍人同詹政叔登泰山

贈謝仲毓山人

贈別鍾公旦文學

題王諫議家五大山水歌

砥柱

洞庭

金山

錢塘

灑源

灑河贈別蔡參軍孺觀

顧朗生江左名流與余彼此相慕悅有年朱
聳結託余在燕京座客常滿時朗生亦客
京師絕不相見比余被讒挂冠東去發舟
潞河朗生提壺策蹇遠送河干且手出五
詩贈別余感其高義賦長歌以贈之

留別萬伯修

寄壽方翁

白雅集
九疑篇贈周淑南

長安元夕聽武生吳歌

走筆答董伯念膳部

送鄒爾瞻給諫以言事左遷南北部

送范國士侍御以言事免官歸高安

春夜集潘士遠宅

弄臣篇贈詹政叔

贈董伯念膳部

陸母太夫人壽歌

庚辰五月沈嘉則王百谷馮開之田叔見在

青浦署作

寄劉觀察先生

贈程子虛

贈湯慈明

送丁右武侍御謫潞安司理迎母南還

鄒舍人歌

董逃篇

採花涇篇贈徐文卿

贈吳生

君不見

贈吳山人昌齡

送楊漢卿之金陵兼柬馮咸甫

金生歌

贈朱汝修

贈周生還吳興

中秋燕郭舜舉兵部宅

題玉芝館

贈董玉几山人

黃山山人歌贈吳孝甫

卷之四

五言律詩

寄周元李

潞河晚泊二首

雲居庵作

哭姚進士

慧山寺

自本集
八公山

崧澤表將軍祠

二陸祠二首

周元孚至吳門負約不至以詩憾之二首

感悟四首

哭伯兄四首

夏日縣齋卽事八首

雲間十咏

春申浦

顧野三讀書堆

寒穴泉

吳王獵場

秦皇馳道

採花涇

黃耳塚

三女岡

赤烏山

滄瀆壘

夏夜小集得乾字

浩

送藍丞歸隱南康

登鳳凰山二首

廢縣

金澤寺四首

泛澱山湖三首

首夏遊超果寺因過陸君策水竹居

贈錢太守

螢

白頭公

鶴

中秋夜集

青谿卽事二首

留別沈孟嘉

留別郁孟野

秋海棠

虎丘

弇州園池上泛月

彭城渡黃河

劉觀察先生罷官歸蜀感賦

任城道中聞殷無美方衆甫梅客生請

君登第識喜

聞瞿孟堅墜車傷足不赴公車而還使人物
色之不得其的耗爲之愴然有作

懷田叔六首

春日懷桃花別業十首

治平寺

鷓鴣園

夏日過譚氏玉芝園

訓黃侍御四首

同范太僕莫廷韓徐長孺彭欽之泛舟青谿

登天馬山懋齋寺限韻

五言排律

夢登太和

寄魏懋權太常

弔李太白

孟冬行部經舊縣作

哭君典太史

卷之五

七言律詩

東郡登光岳樓

贈吳生

莫廷韓吳孝甫小集得花字

送袁履善南遊天台雁宕諸山兼訊袁黃巖

明府

楊公亮太史奉使東瀛覽留西湖却寄送周

明府入覲

送楊別駕考績之京

壽表履善二首

集履善海月樓限韻

送范司理之南北部

送沈君典北上四首

訊孫以德太史

送黃太史還朝

送陸伯生同黃太史北上

夏夜泛舟青谿得東字

水上聞簫

寄陳伯符

寄沈少卿

寄座主朱太史先生二首

寄沈茂仁太史

寄沈肩吾太史二首

寄君房箕仲四首

讀李惟寅貝葉藁却寄

寄瞿睿夫二首

寄張太史

寄楊伯翼時伯翼居先大理公喪久不通訊

嵩澤弔表將軍二首

弔二陸先生二首

夷光

要離

伍員

范蠡

浣紗女

讀楚漢春秋

讀吳越春秋

讀高僧傳

讀真誥

讀王子年拾遺記

讀高士傳

朱竹

夏夜衙齋宴集張玄超莫廷韓諸君限韻

讀皇甫司勳集却寄二首

讀平蠻竒勲全錄寄荅曾大司空四首和孟

孺新秋感興二首

酬鄔汝翼見贈之作

送徐澤夫北上

和王辰玉辛巳秋日直塘拜曇陽大師新觀

感懷之作

和辰玉感大師樓前盆荷之作

送陸君策遊西湖

喜顧益卿擢參浙藩却寄二首

行脚僧

倪使君聞報斃還會稽却寄

秋日登天馬山絕頂

贈張谷吹先生二首

寄荅張太史二首

贈龍司理

上瑤翁師相四首

送馮開之太史北上二首

北固山

贈唐嗣宗

陸君策至自茅山却贈

含桃

懷徐茂吳

招杜山人不至作詩調之

瀟靈鼓瑟

黃鶴樓

黃陵廟

巫山高

送陶比部懋中北上

送王辰玉徐孟孺薄遊金陵二首

卷之六

七言律詩

送陸太僕北上

寄曾司農

寄周允登文學

水仙

芍藥

大士蓮

羅漢松

猿

水鳧

新鷺

宮中白鸚鵡

宮中黃鸚鵡

雁字

七姊妹花

寄題李之文青蓮館

寄題文長朝曦閣

王孫行爲吳茂倩

寄余相國四首

元美先生偶出過青谿余挈舟相見城下竟

夕嗒然別去明旦以一詩見詒率爾寄荅

豫章朱可大大理出宰涪谿寄訊一首時余

不通聞問五稔矣

百穀先生挈舟載酒道送征夫毘陵道上臨
別感動爲賦此篇

再登仙師樓居觀諸靈蹟是仙師修道處
寄題五嶽

中嶽

東嶽

南嶽

西嶽

北嶽

中途雨雪懷開之太史四首

懷陳伯符

懷沈箕仲

懷余君房

淮南道中懷瞿孟堅

懷故人瞿睿夫聞其令子得雋

兼爲賦

喜

彭城遇姜仲文使君

夾張大

雲間董逸少祝髮爲僧以詩慰之

懷莫廷韓留滯燕京

懷沈肩吾太史

金陵八詠

石頭城

桃葉渡

雨花臺

燕子磯

秦淮水

莫愁湖

蝦蟆陵

烏衣巷

贈邢子愿侍御二首

贈陳玉叔先生二首

春夜同陳玉叔莫廷韓傅伯俊邢子愿胡元

瑞集朱汝修齋中

燕市逢胡元瑞

同傅伯俊夜宿開之綺雲館

贈郭汾源武選

壽沈太母七十詩

訪劉仲修觀察

贈陳廣野給諫二首

同張助甫陳玉叔余君房萬伯修傅伯俊梅

客生莫廷韓黃定甫朱汝修集盛泰甫山

人宅得魚字時山人奉母東歸

贈朱汝修

贈羅敬叔

無題四首

出京寄殷無美

送袁徵之遊嵩少

寄李季宣

寄鄒進士爾瞻二首

燕齊道中贈傅伯俊四首

東郡隆興寺贈覺蓮禪師

白閣燕集贈狄明叔將軍

哭程思玄太學

卷之七

七言律詩

長安卽事四首

任城覽眺

淮徐感興

奉懷母夫人

代內見懷

懷李之文之芳吳昌齡文長伯英諸子

懷嘉則賓父伯翼長文由叔仲初鄭朗諸君
懷元美元馭敬美三先生

懷王辰玉道兄

懷王百穀陸伯生彭欽之徐孟孺郁孟野沈
孟嘉曹重甫諸宜甫諸子

鄒爾瞻自成所賜環喜劇賦此

同美仲文使君登子瞻黃樓矚眺

贈陸無從

題柴仲初芳草齋

贈張念華侍御

贈張肖甫司馬四首

訪王玄靜

贈馬水部

張肖甫司馬招飲三茅觀絕頂是夜遂宿觀

中

鄒爾瞻自戍所召拜省郎識喜三首

傅侍御自海上戍所召還臺中作

吳太史召還作

送劉惟衡給諫之留都

送兵科給諫鍾道復年兄之金陵

陳思進拜吏科給諫却贈

題陸敬承太史芸香館二首

和王恒叔登玩花臺故息夫人臨妝處

贈林景侍御

聖駕幸天壽山恭述

聖駕幸老君堂仙人洞恭述

北上彭城別姜仲文二首

送徐華陽方伯入朝東還道經宣城因憶故

君典太史

送袁文毅左遷滄州別駕

贈范國士侍御

送吳山人遊泰山

贈朱文臣吏部

奉送大宗伯徐公致政歸三吳四首

賦得西望瑩池降王母得瑤字

送徐孺旭還吳

寄郁孟野

雪夜集徐文卿宅

寄胡從治開府二首

寄梅客生明府

雙林卽事

寄呂使君二首

都下贈洪孝先山人

贈鄒舍人孚如

送范屏麓大司成還吳興

送君曹長催兵井陘三首

輓馬鐘陽大司徒先生

贈劉衛尉

贈沈純父符卿四首

送殷無美出守夷陵二首

舒崇孝陳鳳父王季孺徐伯衡史長靈拈言
士攜酒見訪賦贈

送王茂大出僉楚臬

送趙汝師太史還吳二首

寄壽朱大司空

送朱可大水部奉使青齊暫還豫章壽真尊
人大司空公

送董伯念予告還吳興四首

贈蕭以占太史二首

沈純父符卿蕭以占太史以孚民部魏君善
司理集小齋作

同龍君善飲董伯念齋中時伯念以請告將
歸吳興

送董繼可北部以言事左遷萬全幕僚

送許西峪出守衡州

送關仲瑁還南海

黃白仲由白下之燕見過邸中荅贈

送蕭以孚民部出使江淮

贈顏質卿舍人

贈任子賢舍人

送周少魯之南光祿

送張侍御出僉閩臬

秋夜同余宗漢大令楊公亮太史王季孺吉
士黃白仲山人燕宋忠甫君侯第得寰宇
九日余宗漢明府宋忠甫君侯李叔玄民部
王受吾秘書季孺吉士秦君陽文學金玄
朗黃白仲詹政叔三山人朱汝修楊士駿
二侍御集余寘家館

都下送茹懋集還毘陵

登檀州城

贈別于民部二首

留別李叔玄計部

登古北城懷顧益卿使君

集孫漢陽郊居

卷之八

五言絕句

寄開之金山寺四首

送林仙客還四明

江北謠十八首

江南謠十九首

題水月主人

題無礙居士

六言絕句

和辰玉悼亡之作六首

省悟十首

七言絕句

戲贈沈生買吳姬二首

晉門

館娃宮

小君山

華陽洞

禦兒港

恭送曇陽大師十九首

寄傅伯俊二首

寄江陰胡明府

寄題程氏百花亭

湖上曲十首

題孟孺畫扇

喜王敬美督學棄官歸隱六首

董節母

題松庵上人卷

送長吉諸孫東還二首

寄姜仲文四首

史相國墓下作四首

贈道者王余峰先生

寄李之文

潛載父下第謁李臨淮歸詩以慰之

聞瞿孟堅擢桂楚中喜賦四首

唁鄒進士二首

留別袁履善四首

留別辰玉道兄四首

留別徐孟孺道兄二首

留別陸伯生二首

留別彭欽之二首

留別周季華二首

留別曹重甫二首

留別諸宜甫兄弟二首

留別沈孟嘉二首

留別郁孟野二首

百穀以七言絕四十首送行驚心動魄景色

可餐余復荅以四絕可謂淫於詩矣

金陵道中八首

山居雜興四十首

憶君典十四首

竹枝詞三十首

集紫霞山房得山字

長條曲爲友人賦二首

女蘿曲

都下逢吳叔嘉

煙雨樓六首

石湖五首

吳江夜泊六首

真如寺四首

薊遼大捷鏡歌八首

明月梅花詩四首

古北口歌十首呈張制府

西湖懷古四首

白榆集卷之一

賦

明月榭賦

爲沈嘉則先生

隱侯秀世轍古躡今標韻朗暢才美鬱沈埋光削跡
退栖中林截孤雲而抱影指冥鴻以喻心窺遊魚于
青江舒鳳嘯於碧岑時而行遊冷然御風揚颿江上
蟻屐山中或采瑤芝或拾古松東探林屋之洞南躡
大王之峰發響摩蒼煙送歌凌飛淙歸來掩關獨立

截其乃築高閣之蒼蒼開芳榭而延明月不戶不牖
豁焉蕭曠峰巒四面而繚崇垣又取丹霞以爲屏障
長江日夜走其下天漢漣漣而挂其上虛空不壞巨
石無恙仰逼帝座頽臨盤渦夾以杉栝胃以藤蘿近
而眺之眇綠樹兮若薺遠而矚之堆列岫兮青螺當
三五之良夜吾想夫君之婆娑陰峰日落而秋登臺
涼風灑衣神飈蕩迴海水乍湧望舒忽來芙蓉露披
平江鏡開初隱岫而半珪漸溶溶而出篋綠煙盡滅
絳雲微接疎星斜點水光相噉萎蕤芳蘭之隄裴徊

紫苔之閣驪龍獻此大珠神女呈其寶曆澹清輝之
媚人客匡坐而搖箏又如青陽布令萬物增耀莫冒
長坂莎彌大道春湛湛而可憐月娟娟而始照入楊
柳而蕭疎經芍藥而窈窕濯春羅之粼粼羞把酒而
孤嘯又如平沙莽屯空雲凍咽江光低斂人跡杳絕
林開鳥驚萬里如揭明月在天下映殘雪維彼幽人
登覽超越披鶴氅擗龍笙吸瀨氣收淒清羨姮娥之
耐絕冷思泛黃鵠千峰京若乃履絳來莓苔破佳賓
零亂朗月宵墮解衣磴薄歌吹苔和彈絃則松風薦

爽鳴琴則山溜入座又若花逕雨歇雲房鐘斷車馬
不喧郊居蕭散蘭膏欲落桂魄初滿庭赤欄而獨行
度白苧而聲緩其藏書則楞嚴檀經陰符黃庭總二
酉之秘藏發五嶽之英靈飛揚則四海相蕩沉寂則
六合爲冥其臨文則上蒐九天下窮九淵思奔罔象
毫掞雲煙試登高而望遠羅震且而成篇吁嗟噫嘻
高臺旣傾曲池亦平楚舞雷滅吳歌露零悵柔絲之
與苑蔓野鳥下而飛蟲鳴念繁華其何益豈若茲臺
之表幽貞抱朴見素乘理來往千秋一瞬大地一掌

苟睹其然何物不妄樂哉茲在悠悠天壤朝暾非不
嘉夕月尤足賞于是爲之歌歌曰川原澄兮雲氣鮮
瑤臺朗兮兔魄圓掇紅蘭于長谷寫朱弦于山泉復
歌曰昨日登臺兮衆草柔今日登臺兮風颼颼良夜
一何短明月一何適登臺既有酒君不樂兮空憂

逍遙子賦

逍遙子稟性冲夷抱志幽獨形羸氣充外通內朴既
祝蕩而少營亦清虛而寡慾絀機械以完真削崖異
而混俗弗拒以峻我守者谷勿捷以徑我堅其輻仕

靡耽榮學靡干祿進不能滑稽園詭以媚人退乃脫
落鶻爽而翔于寥廓所味者道所嗜者古究竅妙于
玄門遵名教于鄒魯託道逢于漆園學澹漠于鄭圃
悟真空于古佛求不退于淨土參三氏之大同以五
陵爲教主遊方外而非蕩遊方內而非苦處高貴而
不盈履窪下而罔窳窮源象帝之先蒐形萬物之母
世法不驚其神有生不滑其府時而發其鉅麗吐其
菁華無津以涯象罔所嗟有爛其葩帝所宰邪當其
湛也歸虛大壑當其浮也弱水流沙當其和也雞卵

龍珠當其峭也魚腸鎮鄒當其緩也遊空之絲當其
疾也下坂之車當其質也垂秋之實當其藻也迎春
之華其適以驩也條風鼓瑟其愁以慘也急雪悲笳
其潔以朗也峨眉皓月其秀以逸也玉洞青霞人但
見其儵忽變幻之氣沉雄權奇之才發爲雷電鬱爲
龍蛇而不知其所收者曠所寄者遐也忽焉冥寂如
龍投鉢奄焉嗒焉如鳥巢佛霜降兮水清華落兮葉
脫其心則灰其機則活每實腹而虚心亦弱志而強
骨神遊天上形遊人間形遊者有間神遊者無端形

遊者與人爲徒神遊者與天齊肩或形閉一室而神
之八極或手策一杖而足躡千山路虛而往觸實而
還吾不能知其去之與來又安能名其凡之與仙無
端者難狀有間者可言乃營六合乃覽大荒乃構神
室乃築虛堂割鴻濛以爲棟截虹霓以爲梁通日月
以開牖列星辰以翼廊引蒼煙以爲竈結白雲以爲
房挂銀河以捲幔疊青霞以鋪牀十洲三島以爲別
業胡麻沆瀣以爲資糧若夫春陽生矣春鳥鳴矣淅
波平矣垂柳榮矣二八青童三五良朋戴九華之冠

垂五紋之纓曳飛雲之履抱鳴鳳之笙鞞鞍散步於
策徐行既踏花而照水亦藉草而傳觥南陌聞斑鳩
之語東郊聽黃鸝之聲若夫紅藥謝堦朱荷出沼靈
龜戲萍嘉魚躍藻桎柳垂絲垣牆蔭蔦風泠泠而度
牖月娟娟而在篠爰約幽人爰恣冥討偃卧石室之
陰舒嘯長松之杪若夫秋颼颼颼秋天嗟峨山增其
秀水增其波霄露下而樹冷鐘聲出而雲和石牀無
人掃黃葉何其多樂風日之淒緊收清氣而婆娑若
天寒花斷紅枯草罷綠冰合迴谿雪深茅屋樵人晚

歸漁舸夜泊凍雲平而濶垂亂峰歛而尖轟或披一
簑于修坂或策一蹇于深麓呼濁酒而盪胸尋梅花
而娛目爾其山居次寥茅齋清曠杉栝成行藤蘿相
向蘭葉乍焚松花初釀童子報而客到石潭映而月
上器廢形骸禮忘揖讓或酒或茗一謳一唱卽天地
其可遺混物我而齊喪又或客去屏喧雲來助幽跡
與俗遠心將道謀授十六觀于蜀賓之白馬領五千
言于函谷之青牛以致虛守靜爲玄津之筏以求真
除妄爲般若之舟期身心之大定務性命之雙修又

或瓢笠自隨孤雲野鶴擷靈秀于九州訪異人于五
嶽不釋朱門不厭藜藿或一朝而走千峰或十日而
留一壑詎敢謂盧敖之遊亦庶幾榮期之樂浮航晉
陀朝大士于南海裹糧竺國參釋迦于西天沙羅聽
五色之鳥玉池采九品之蓮少林觀面壁之處蕪谿
想衣鉢之年顧瞻曲阜乃過東魯佩服苦縣乃入西
秦白鹿青羊叩玉虛于玄嶽翠麋丹鳳謁金母于崑
崙恒有太陰岱有元君華有玉女衡有南真石室許
史緱領王喬重陽七真句曲三茅莫不萬里獨往一

日再朝目眩金幢耳聞笙簫唱和步虛之曲廢歌白
雲之謠居則棲霞而瞑出則御風而行所居非室所
駕非輶心與炁合體與道并是真排虛空而直上安
知世俗之所營嗟乎富貴可求也當食廢筋低而斷
腸斷腸何爲我思金張臨樂三歎潛焉涕下涕下何
爲我傷王謝身都將相連姻戚里奕葉貂蟬累世金
紫列屋萬間擊鐘千指仰之者若泰山奔之者若流
水時移運去倏爾銷淪高門大第以屬他人朱輪華
轂今無一存花飛電滅化爲灰塵雖榮華于一旦終

零落乎千春功名可立也飾智矜能賈勇鬪力精乃
銷亾玄髮早白僥倖乎其所難成馳騫乎其所必得
麟閣丘墟雲臺陳迹子孟不終韓彭離戚沉碑計左
勒石寡識存青史之空名于白骨乎何益聲色歌舞
可娛也香粉骷髏妖狐鬼祟生假芳澤歿同凶穢而
使人志戀神迷精枯形悴以火自熬以劒自創在時
受虜沒爲流淚笑彼夫其何昏嗟千載而如醉舞衣
爲土歌扇爲灰兔遊金谷鼠走銅臺南國一以去西
陵竟不回嗚呼悲哉余登城郭人民如煙蛾眉老醜

黑髮華顛代復一代年復一年瞬息俯仰已非昔焉
若窘暑之相推若洪波之遡遷庸知有生之爲累惟
情識之是牽得失外擾憂喜內煎苦海火宅之中旣
無解脫罅隙蟪蛄之晷寧有長延余望丘隴鬱鬱蒙
茸疇爲斯養疇爲王公朝遊上國暮閱幽宮吾不知
其燕韓之與趙魏吾不知其惟魯之與英雄千憂百
慮一往俱空弄芙蓉華屋總逐飄風又何用決東海之
波銅南山之銅者哉又有埋光沉照而逃于酒一飲
一石解醒五斗載冥其心載濡其首或散髮而披襟

亦雷轟而鯨吼故有但願醲酒銷腸不與日月齊光
請監步兵喜得地黃願封酒泉自號醉鄉逢虎不恃
墜車不傷騾贏一豪睥睨入荒顏然而遊混沌一醉
而到羲皇昔人有欲解螯酒船以送顏陽在世無恨
恨飲酒不足以爲嗟傷者矣然猶謂沉湎非德荒淫
多敗孔曰無亂釋列五戒性情以陶肺腑以壞奈何
頌酒之德忘酒之害酒以遣物酒去而物來醉以銷
憂醉過而憂在孰與夫栖神抱炁致壹致專以太和
之湯而滌其腸胃以龍胎之醴而沃其丹田氣不外

驚神將內完彼得全于酒何如得全于天而沖然冷
然存以綿綿者乎又有娛情水石玩心花鳥耽于藝
事託于技巧情有所屬則物不能遷興有所寄則他
不能擾要之猶假外物以自鎮終于性命之未了聖
人不云乎得其一萬事畢至潛者非外至精者非物
胡爲以其自鎮者反以自滑吾有三寶曰精氣神
通天通地生物生人放之不在六合收之不在吾身
搏之無影執之無根驟而索之不可得徐而寶之良
可珍古有英雄豪傑環人備士能愛惜黔首節節焉

生人爲之給家爲之盈而不能

自齊其精能駕馭羣

于服掌使天下于指臂而雨移易星辰一言疾于桴不能自衡其氣能呼召風

鼓一智妙于轉輪而不能自調其神內寶不足乃索之于表少嚼其味以爲美好暫得亦可娛失去不可保得之則菩提失之則煩惱噓之則榮瘁之則槁又何以齊得喪一壽夭出病死離生老是非吾之所謂寶也夫儵然而有孰爲之造儵然而無孰爲之耗有生必滅不滅者神有形必壞不壞者道陰陽者命也太虛者性也玄詰者聖也實修者證也靡善匪聖也

靡惡匪遐也有爲之善猶爲陰陽之陶鑄無爲之善
乃執乎造化之橋柄橋柄在我何物不超何情不冥
何境不寥出塵非潔居塵非滄處寂非頑遇喧非囂
惟苦非扼履順非驕圓通非僂變化非妖蟲臂鼠肝
以爲幻相山河陵谷以爲海潮物有去來而我無去
來歲有昏朝而我無昏朝混人羣絕町畦而不爲蹠
盤步日月蹈金石而不爲虛枵又安往而不得其所
道逢者哉乃于是乎仰天而嘯蹋地而歌太虛不吝
流雲自過拾野花之的的貯碧山而嗟嗟

五言古詩

遊仙詩

大道鼓羣品鉅細含元氣鑿志雕冲玄養德全和粹
琴毘天天年至人獨秀世元神苟無虧不歎良可冀
鴻濛開寓縣赤松爲雨師黃帝訪崆峒大隗隱具茨
姑射歷氷雪王母臨瑤池老聃葆谷神關尹識其奇
玄文五千言靈光照萬期王喬棄人世弄月緱山巔
一遇浮丘伯千秋凌紫煙琴鶴吸沆瀣清虛何泠然
青天御赤龍萬人爭喧闐浩蕪發期生采藥蓬萊上

海樹晶丹霞天風卷白浪東方渡紫淵鞭虎遊溱澧
朝去暮歸來空爲神母愴帝皇不能知竒縱本宏放
麻姑自天燒方平亦神人導從一何都麾幢軒高曼
共言浮世事局促不足陳三度見清淺滄海行揚塵
峩峩魏夫人修真領南嶽西華秦毛女飛行出寥廓
近世有真人授道登上清發枕得鴻寶吹簫學鳳鳴
紅顏生羽翼丹臺留姓名一朝遂冲舉人貌而天行
復有文章伯絲毫一何綺琅函啓靈媛北面稱弟子
萬事脫手空智識羣動止向來飛揚意蝸蟻盡枯灰

采藥碧山阿，選石青谿沚。造化有至寶，朗秀天門關。
精華發麗藻，聲名鬱崔嵬。太白豈凡骨，淮南故僊才。
英雄一掉臂，逍遙絕蓬萊。小儒昧大道，禪虱與醯雞。
幽玄出垓北，欲叩無端倪。何況擾擾者，七聖終然迷。
求之不可得，往往謂迂怪。慾火煎其膏，塵沙積其帶。
身坐罅刻中，目營千歲外。黃河奔不休，白日吾將奈。
憐予滄海東，四十抗塵容。半生費心力，慙媿工雕蟲。
年來厭馳逐，息影憇長松。丹經苦難入，石髓不可逢。
空念留皮骨，誰爲鑿心胸。潛焉涕淚下，傷此浮世踪。

何當遂西走立槁終南峰

衆芳亭燕坐

亭空日初澹坐對青崖小
鮮雲度虛牖斜光瀉明了
山鵲來幽篁池魚上嘉藻
縣齋聊足寄長林夾迴谿
息機復抱拙忘言桃李蹊
吏散晚峰紫兀然居士棲
焚香滿清磬緇經臨竹西
調心有真訣觀化無端倪
往者既已逝來者不可稽
一言悟禪觀煩惱爲菩提
雖非面壁自離塵躡丹梯

紫煙閣

高閣凌紫煙花低繡佛前下疑人世隔上與星漢
有官心不染無事身安禪香清燭逾冷夜靜雲轉鮮
開簾迎寶月掩戶冥諸天凡慮日以滌得意誰與宣
繁華歛露雷苦爲憂喜纏萬物無不妄迷人自相煎
吾今解空理塵居遊眇綿

衙齋有幽趣何異在東林太空本無礙吾自障吾心
吾心苟無障萬象從蕭森朝霞帶寒木夕陽明遠岑
清齋禮大士高誦海潮音詎云超上乘聊用洗靈襟
端居視飛鳥興至橫鳴琴逍遙玩人代寧敢塵欽欽

此身諒非我况乃問升沉

青谿泛舟

輕舟凌長谿仲夏風物繁
遙看青谿移坐惜紅芳盡
鳥從東臯下日向西峰隱
所喜孤雲併暫謝羣動引
乘理遊虛空安能事紆軫
盥手酌清泉無言獨微哂
聞周元孚至自楚却寄

元孚澹蕩人皎皎歷冰雪
楚服好椒蘭時人忌芳潔
一官不稱意煙濤弄明月
心好川鳥冥調入山雲咽
五月下巴陵扁舟向吳越
吳越有故人平生肝膽親

一簾折柳別幾見絳桃春欣從大湖至日望大湖流
喚婦釀綠酒呼童採紫萼寧能惜明燭好與話風塵
卿官不稱意吾亦爲小吏丈夫懷遠心豈爲浮沉計
相思總含情相見不共涕寒暄草草罷便及水雲鄉
君行多澤國一半入微茫鳧雁空沙淨蒹葭晚日涼
高峰壓雲夢野水足瀟湘漸遠荆門樹蕭條秣陵路
江吞鐘磬深寺挂星河曙欲覓六朝僧不辨千巖處
俄停楊子橈東風吹落潮逢人訪吳會斜日眺金焦
青螺天表抹碧殿波間搖渡江須一葉中流混六合

龜鼈可作梁，曜靈莽相挾。後有洪濤催，前有暗浪接。
身世都浮空，震且不盈睫。平生汗漫遊，茲覺心賞慊。
眼前吾與子，託身在天壤。雖抗風雲心，實帶煙霞相。
骯髒不自銷，大才并滉紈。一旦淪泥塗，千秋爲悵悵。
寧令身坎廩，肯使氣凋喪。寂寞與道謀，飛揚自天放。
白壁如不收，青山故無恙。迎君愁送君，聚散恨秋雲。
津樹蒼茫合，河梁慘澹分。終期同皓首，結屋托谿濱。
攄羅最深處，長嘯出人羣。

詠懷詩四首 有序

詠懷者懷廷尉宗伯學憲印公也余自栖心道所
每懷獨往顧方因世法抱志未伸孟冬出行田間
悵望婁上興懷四公爰有此作

廷尉

孟冬行田間蕭蕭披草莽寒霜落夜波空煙出朝爽
勿憶王子喬滅跡青霞上少年富才華鴻名照天壤
中歲遇至人揮手謝塵鞅一領芟眇言早悟羣動妄
葉落見天根智黜冥象罔迤步雲房陰蘿殿門敞
金磬挂松風澹月霽以朗偶采青芝遊始覺紅蘭長

手把八空氣須彌大於掌名字注上清玄理超惚恍
會見千秋下山頭鶴來往

宗伯

山川發靈氣休嘉應千年冥探石函記高誦金笥篇
夫子璠樹枝骨法理應僊篤生迺上智大道排冥筌
天樂日盈耳列真時周旋夕侍金母側朝謁虛皇前
迴谿弄碧月高殿生紫煙門將蒼虎守書付青鳥傳
吾身有至寶富貴良可捐養德合無爲抱神栖自然
念此心紆軫其如塵網牽

學憲

學憲上根人琅琅抱立穎秉心故清真好道何勇猛
脫屣浮世榮徹悟片言頃朝披華山雲暮泛黃河艇
歸來築幽室坐使喧闐屏動與禽魚親靜合煙蘿暝
月破廣殿陰露下微鐘冷清齋朝上真紅霞落懔影
哲兄與令弟同時涉玄境不聞王延壽頡頏緱山嶺
英雄多此輩世人那得省

道印

吾師高足徒印公最清發戒律一何嚴釋典亦已徹

況乃生佛世靈篇授真訣身如龍樹雲心了虎谿月
面壁復多年神超智乃絕黃葉積寺門青松秀巖穴
風微鐘韻清雨濕龕燈滅余將渡迷津終然藉寶筏

寄荅汪長文

我聞大雷山迴峰絕青天故人栖其上入忘歲年
閉門挂秋月空樓出朝煙牀頭積松葉厨下過流泉
幽居異人境冲抱長蕭然我行苦吏牘百憂日相煎
言念栖霞子時掃大石眠曾無白雲期空有白雲篇

寄荅劉子威侍御

丹青曜朝日碧漢羅秋星伊人握大物山川助精靈
雄藻含神霧吐辭妙天經高者凌岱嶽深者沈玄冥
刳心出四極日月奔不停秦皇登之罘軒轅臨洞庭
舉世皆下里誰爲識者聽余少好雕蟲西京及黃初
中歲逐牛馬此道日以踈三年離百憂雙眉不一舒
罷勞思少憇息影逃玄虛文繁精乃亡夸者寶其智
偶與真人期一得當關吏徐甲終爲枯文始那可冀
吾聞劉武威面有煙霞氣請思太上言會應函中記

寄曾大司空

山川雄楚甸煙月開荆門祝融鎮南服洞庭吞中原
下有洪濤合上有白雲屯美人珮芳潔江介多蘭蓀
大國擅靈詰實生瑤與琨峩峩大司空至人秀乾坤
知幾故有道觀物超無垠春華麗絕代沖然貴其根
應世妙玄德卷舒龍蛇存功烈被天壤鴻名一何尊
心將眷蘿薜跡乃溷華軒一登廣莫府獨寤逍遙園
曾聞鶴上人親遺雲中言凌空雙劍化映月孤霞蹇
功成堪度世遊戲於肯綮文成與鄴侯總以千秋論
泥塗望霄漢日暮勞心魂

送周伯孝廉北上公車

英英南國彥文機
揆天章門風有藍田家學服青箱
少年拈綵筆一一掩隋梁
來自鬱蕭宮借色翠璿房
雲鑣騁天步超然覽犬荒
一授靈人記栖神入壙垆
人言列僊籍從古多姓王
長史及玉斧同日朝虛皇
世緣苦未了冥鴻下來翔
聲名爲時有安得久雲廊
暫辭煙霞外相依日月旁
道精以治身其餘總批糠
行矣賢人爵努力勤皇王
瞳瞳微日出流光射扶桑
六龍迅於矢倏忽而頽陽
功成人代不成亦何傷

平原與鄴侯千載無低昂勿以土苴物易吾珪與璋
留別王敬美道丈二首

三孺巨波吼地撼龍子宮流潦滿南國九陌無西東
不惜毛骨苦所嗟杼柚空征夫復行邁父老悽以恫
感彼歲云暮念此閭左窮疾風捲飛藿日照寒沙紅
况乃別良友輕車感枯蓬風煙莽前路豈不眷微躬
知命自無悶守道貴玄同栖神泊夷曠安能問險巖
高天易揮手流思雙鷁鴻

夫君五陵客風期颯冷然千秋吸靈氣一往凌紫煙

采芝於屋洞控鶴華陽顛論才一何儻揣骨故應慙
嗟我戀五斗歲晏馳迤邐同門而異趣反顧無乃癡
猶復念儔侶琅琅錫珪篇高標旣云邈孤懷難爲宣
風塵儻不入憂勞詎能煎大道無町畦含光以自全
我行涉苦海君留耕璠田回首煙霞友長雲沒遙天
去去望鞭影庶其求冥筮

夜宿恬憺觀二首

夜宿冥陽宮神臯帶綠沼玉界故瓊瓏金牕鬱縹緲
露下寒河青孤月出天表絳蠟高復然爐煙細猶裊

跏趺法座前深夜轉幽悄靈風颯然來殿角紅雲繞
帳開旛影動香氣觸林鳥知是飈車回虎佩蠶囊小
鶴舞空不下簫響霞俱杳冥心參上真抽身苦不早
慙媿雲華篇何時拾瑤草瑤草亦易逢塵緣尚難了
所貴領清虛浮榮何足道

吾師五陵主普度發弘願立教獎人倫給孤與苦縣
道成乃登霞白日步青漢日月閱雲房風雲護龍篆
自從違靈音三載猶昏且人生火宅中百年奔駭電
伊余抱素心誤爲塵網絆苦海浩無津吾師夙所歎

愍然下寶笈拯我干彼听諸有所以空一官尚爲紅
巖城促簡書薛蘿詎能戀暫憇亦泠然一往何由見
出門卽泥沙長途急霜霰努力佩遺言忘身乃無患
智固不如愚貴豈能勝賤

春日風雪過開之綺雲館作

一從馬蹄來悔與煙霞別差可同心人高天共殘月
曉起庭戶寒流風入迴雪初陽忽相照爐香坐來歇
遂令名理廢泠然人世絕寂寞道所貴去巧存其拙
跣趺大士前端居悟生滅瓶水胡以凍窳篠胡以咽

我欲參此理但恐生分別宰官居士心一往形骸徹

登彭城子房山與仲文

留侯昔佐漢頓轡此巖阿青天夜無人碧山自嗟峨
古祠縈灌木石戶垂陰蘿田烏下楚隴牧羊猶楚歌
我與使君來古路送殘日林昏列炬開月照衆山出
飛煙漸廓朗洪河復蕩瀾一往成萬古遂與伊人失
伊人煙霞姿濁世號英雄玄心栖道真其智乃如龍
受命在素書拔劍浮雲空椎秦秦莫得事漢漢莫籠
手提造化柄遊戲太虛中偶讀青童歌始知紫煙客

時危故奮身事了應匿跡雷罷列缺收風止波濤息
譬彼逆旅人往來寓空宅區區萬戶侯安能冒冥極
楚漢今煙草伊人去不還當時一歇馬千秋名其山
縣厓雖可哂高韻邈難攀桂酒露泔泔日暮摧心顏

遼陽曲四首

銅焦夜鳴急胡兒犯塞垣營開勁弓滿大將坐轅門
不見短兵接但聞哀角喧邊人無所惜所幸老稚存
月黑胡騎去疾如風雨奔參軍草露布列校收橐鞬
營前牛酒熟城上歌吹繁天明寡婦哭邊人歿荒村

流血草木腥積骸天地昏婦啼向人語之成寧無冤

胡馬既以去誰當殺元元須臾官軍至吞聲不

敢言

遼陽八九月草灰邊風肅匈奴領燕支魚休盡所欲

駿騎馱黃金羶車載寶玉敝弓委長衢羸馬棄大陸

收之歸轅門併作橫吹曲安所得首虜關前有

無牧

孤城白日大慟哭長城下男兒產邊垂人命猶罍蠹

老稚各相戒寄語貧新者秋高莫夜行遠出向原野

亾猿禍林木寒燒成遺火寧遇胡兒掠母遭漢兒邏

胡兒猶可生漢兒亦殺我

快馬走健兒乘傳日夜馳大車白玉牀小車黃金瓶
胡女顏如花不畏邊風吹累月教歌舞金翠紛相蔽
妖豔真絕世云將有所遺募發列侯印朝奉大將旗
立功有長策安事邊垂爲斬虜千萬級不如一燕支
送曾于健侍御左遷還吉水

美人出製錦萼萼勤萬民精誠厲曠日逸氣凌秋旻
問左歸慈父豪右驚明神一朝奉徵書來爲驄馬客
鳴珂散林曙垂鞭禁煙直緋衣使殿香白簡搯霜色
在臺端席未暖言事何慨慷朝聞奪柱下夕見指江鄉

榮貴亦可戀其如烈士腸理權河水合驅車隴坂長
秉心甘荼蓼寒風吼枯桑廬山白雲冷六載遙相望
暫歸理芝朮古路饒松篁匡君遺藥竈惠遠留禪房
高吟掇明月閒眠送斜陽幽事良足快寥廓行翱翔
但恐胃薜蘿遂欲忘珪組自非沮溺徒竒抱尚須吐
匣劍有光惟安得老塵土一了英雄心乃作煙霞主

贈湯義仍進士

吹萬布駘宕震旦何煙熅萬形各有闕不闕惟元神
初陽潛虬動霜降宿莽陳商聲下庭葉清角出游鱗

銅鐘感蜀山古鐵應裝賓金石旬然開殿非動星
乘理豈迂惟至人抱其真方諸與陽燧要以氣類切
同巷匿不見九州猶比隣睽離本無故契合寧有新
寸心杵曰在片語桑陰申夫君操大雅負氣亦磷磷
風期竊相似終慙玉與珉同爲蘭省客當前詎無因
胸懷久不吐宛轉如車輪丈夫一言合何爲復逡巡
願奉盤匱往投醪飲醲醇青雲儻提挈勉旃千秋人

圮橋進履圖爲胡民部賦

天地幹元化屈伸猶張弓滄海不解下洪濤欲排空

神龍朱騰驟伏爪與蛇同玄豹養文采乃隱大霧中
士也遭風雲叱日鞭豈隆當其蟠泥途屈體如凡庸
能大不習細何以稱英雄子房跌宕人東髮美白髻
婦姿而龍性翕蕩空八極勁風自西來咸陽黯無色
匹夫椎疆秦大索不可得何物黃石翁化剛爲選奕
廣心出冥寥高足示偃蹇孺子解折節納履何欵欵
無復猛氣存坐令雄心短長跪授素書六合從舒卷

春夜雙寺看月

浮煙散九衢孤月照雙樹天河遊微鐘星白夜疑曙

雲堂禮金僊香巖寶花聚津梁寧有罷大道本無住
心境故雙冥尼珠破沈昏除境不除心轉爲生滅根
喧亦非世路寂亦非空門瀑水豈不響流雲豈不奔
自得靜中相彌清人外月光滿大千舉手不可拾
既舍樓閣虛復浸衣裳濕坐觀山河空靈籟寒風入

宿雙寺

大雨響空林雲垂四野幕須臾鳴電收春陰散寥廓
丹霞夾層城斜陽薄虛閣暮色澹如水雲房坐來清
松外斷人跡花間聞磬聲迦毗作梵語刹那學禪悅

仰視天宇朗了然理障徹未入白雲深輒與脫塵別
既得對高僧况復待明月

由虎跑散步入三天竺

行行入靈境漸與人世別懸厓墮青冥迴合莽膠膈
石路忽中斷長天乍披豁頽視谿水平危梁陡橫截
潭上不見人空沙皓如雪脩岡帶神臯雲房在清樾
當牕映棕欄偃戶饒松栝惜衣挂垂蘿落日煙磬發
山厨接飛溜琤琤駛且列瓊簾寒不收玄珠歎可咄
龕燈倉虎守野霧紫鷹滅攬衣蕭然恐四顧迥寥泐

惜無和歌人孤賞自幽絕

登吳山宮觀眺羅剎江

山殿控鉅野孤高壓名邦
鑿空出洞門劉雲開石牕
挈攬勢不止豁衍氣何靡
上奔駭落日下禿盤長江
天空野風急地湧寒濤撞
松根疑捲去萬峰入淙淙
神靈好權譎龍驤瞥焉降
僧帶白雲孤鳥扶青冥雙
逡巡海月細微鐘動旛幢

送王蓋竹先生還天台

東南割神秀天台盤海色
朗月射陰崖飛流映丹壁

石梁橫巨壑下窺窅然黑造化界神區遠與塵境隔
曾無樵牧人但有仙靈宅谿上聞鐘聲巖前留虎跡
洞門暗松葉山路明桃花天青神姝出垂璫浣空沙
豐干弄白雲寒山滅紫霞華陽與桐柏乘流鉅胡麻
至今耽竒人往往接靈異彷彿見琳宮咫尺不能至
夫子住山中風期久出世學道悟性空讀書知了義
時吐山林言總帶煙霞氣偶來觀帝京玉露開金掌
暫逐馬蹄塵不作馬蹄想區中畢俗緣人外得玄賞
夢入蘿月深耳邊松風響明發指家山冷然遂獨往

奉送蔡師出按淮陽

驅車出薊門，交河水乍裂。婁丹變條風，寒雲散華闕。
花氣吹平林，陰厓尚殘雪。吾師抗前旌，斗酒城南別。
天高煙沙輕，日落葭蕭咽。行行指淮甸，持斧心何雄。
布德乘時令，采詩知國風。郡縣負弩矢，父老迎花驄。
嬰情詎小鮮，恫余存大東。西方躋疎滅，南陌靈南櫳。
薄領亦多暇，焚香官舍空。神飈入松栝，朗月挂簾櫳。
攤書謝塵鞅，求古尋鴻濛。

送羊子豫侍御出按江南

夫子昔與我刳心事大道逆旅數促膝微言剖竅妙
混迹尚玄同抱影立深峭真元在密緯發精復埋照
標此人外蹤冷風吹窅窳煙霞紛孤朗日月闔雙眺
游世操虛舟羣動等溷漚郵客有去來靈宅無靜躁
飛揚氣彌沈搖蕩神不掉雖在珪組中何異栖雲嶠
我留直隸省君行稱憲臣江南多靈境冰石何繇々
神臯帶迢遞僊山盤煙燼櫻葉覆古洞桃花照通津
春日出按部芳甸洽嘉辰野鳴黃栗留麀麇隨車輪
陽和蘇萬物因之歌采真誰知乘驄客乃是駿鸞人

塵世不幻跡神明示應身終然尋實際去與洪崖携

紫陽庵作

靈峰盤陰森一一疑飛蹇天牕開石扇瓊瓏雲霧屯
斜陽挂寒溜秋潭生夜喧清冷若神漢下浸古松根
仙人煉藥處至今遺蛻存山風吹鶴巢天香送金磬
竹房寂無人墮色返孤暎犬吠浣花源猿迷采芝逕
平生愛林栖端居愜幽興

東湖宿大慈寺

坐覽湖山上高霞澹空色踈花竹牀深暝葉松門積

荒陂絕人行但有蒼巖跡勁風遶洪波浮天搖崩岸
陰崖石氣寒古洞水痕泐雪堂晚鐘微日落野煙白
僧定香轉清猿啼境逾寂學道割情戀胡爲眷泉石
堀螺日紛輪欣賞此晨夕桂冠來何遲永願謝羈勒

大伾山莊詩

大伾橫秀色千盤上雲表古佛開叢林寒溜崩慕道
陰洞夕陽入天挂秋虹杳中有黑霧屯外有丹霞繞
奧交潛蛟龍風雷時天矯桃花夾石梁樵人行木杪
下視無底目眴神亦掉往往見僊人吹笙拾露草

我聞逍遙子卜築此幽棲
礪琴浮濕煙山厨接廻窻
牕櫺隔修竹清猿日夜啼
老僧共焚香玉童教煉藥
偶對花間奕不知松子落
坐遣浮生累高情寄寥廓

寄沈士範因憶先太史君典

幽州積古雪南國吹條風
杲日照芳甸綠草搖春叢
陵陽有靈跡霞洞開璽瓏
天插石屏峭水映松門空
美人玄豹姿霧縠隱盤陀
上衛玠神清冷玉珣氣散朗
采秀寄孤標鳴弦愜心賞
我友昔云逝瑤華隔三春
結思水曲燕流恨山陽人有子
差足快儼然具風神

關門踈煙黃交河暮沙白匹馬空踟躕雙魚不可得
丹霞麗城隅萬里睹顏色雅抱出世心且養凌霄翼
努力駕風雲無爲眷蘿薜

送孫文融扶太夫人喪還勾餘

我有生平友寒芳抱明潔發精而吐華風期暢勁越
天藻一以爛靈光庶不伐乘時在要津冲虛朗披豁
旭日麗頰霞秋潭下寒月心自空八埏身漸登九列
一朝失賢母仰天泣成血魚軒萬里歸河梁遲朗發
賓朋走如雲相送各淒絕幽州邊氣深飛沙被林樾

鳴禽變時卉天高風猶烈長飆凌洪河日落水聲咽
精誠感鳥傷高墳傍禹穴有生故應尊至情詎云割

贈張洪陽司成四首

元佳如轉轂淋漓散無垠總逐有無相詎知生滅因
榮華邇飄忽摧毀亦逡巡陰陽陶萬物不能陶至人
大亦無須彌細亦無微鹿雷震擊海水了不驚其神
所寓盡郵傳舍光祿天真來往躡空碧乘理駕鸞輪
玄風一何暢夢寐欽哲民

青蓮產濁水愛此孤芳根古來得道者大慧如泥昏

口吐牟尼珠要言故不煩仰譬虛空碎俯踏崑崙翩
情冥境俱適所履無寂喧迹將世路溷心與高霞騫
萬緣到手盡抱虛守丹元浮雲住空宅何必桃花源
回首駭鸞鶴飄飄空八垠

割水與鏤冰人生石火逝何物超三界而不廢世諦
四大詎屬余幻形載虛器誰者爲真我煌煌照千禩
有住卽漏因無相三摩地偉哉通人識太清絕纖駢
希言發慧光密緯固靈烝童子後雕蟲朴散神乃脫
撫已涕沾膺寶筏庶可異

大道貴埋照揚聲忘挈鈴爨下匿靈人金門隱星精
上帝忽見召其事乃始明夫子下濁世夙昔居瑤京
一身應八百偶骨三事榮黃閣列珪組丹臺書姓名
余少厲耿介頗矜千秋情一聞柱下旨學道在尊生
逝將舍文苑相期遊化城

范生詩

范生名應龍性至孝清真好道高尚義絕人其行具余傳中又爲之詩

范生號有道抱朴心無營漢潁絕機事呂果蹈精誠
剗股見純孝苦行逃時名垂簾開卜肆季主與君平
家貧復好施釜甑常不盈翳桑活靈輒壺漿下爰旌

長齋禮天竺，息影尊餘生。白日謝塵鞅，青天聞明聲。
余昔宰由拳，簿領躬躬飭。柴雖乏彈琴風，頗遵戴星理。
部中有任棠，當門沮注水。余欽霞外迹，折節拜龍丘。
君亦用感激，謬許賢令儔。將母云南邁，遠送長河舟。
挽纜凌柱渚，拾穗行道周。母聞欲分橐，鴻逝不可求。
計吏飛雙鳥，遙遙赴京關。千里挈輕舸，痛哭臨江別。
東走落迦山，海濤白如雪。夜謁曇真宮，北斗墮寒月。
奔義駛湧泉，好道怒饑渴。余遭譏人，喙挂冠出國門。
阻凍潞河上，野曠塵沙昏。邊霜隕木葉，朔風捲蓬根。

君聞投袂起雪涕申苦言郭亮抱孤憤寒朗傷頰
人情不足問神理顧安存蒼皇唁征夫出門何草草
不裹三日糧遠涉萬里道行經露筋祠那逢擊絮媪
餒病不能前足罷顏色槁途窮委頓還此心良未灰
吾以赴賢達安能效蒿萊數月疾差已努力復西來
留室治輕裝捐貲賴良友阜帽僅裹頭青衫不掩肘
八極詎爲遙六尺亦何有念時旅泊久殘陽照茅茨
有客尚滿座有酒仍盈卮款扉報君至入門天淒其
長號踞伏地淚下如斷縻四座盡感泣掩袂各歔歔

手出兩白鎚納余懷裒中忍飢餘口吻留以表深衷
傷哉古廉吏官舍常屢空人知原郭俠誰信黔婁窮
昔年去朝天行李太蕭索梁上懸雙魚門前守一鶴
罷官亦奚論何以理歸橐客心慕高義挈之遊五都
遂欲叫閭闔提章繞周廬道遇紫衣叟叩馬訴踟躕
莽莽雲月澹哀哀聲淚俱忽去滅蹤跡轉眄空蒼煙
南還約共載物色竟杳然第急使君難不附使君船
玄豹嘯暗谷俊鶻搏秋天千載高士傳寥寥玄晏篇

荅贈程元方

我乘新安艇灘瀨何涸沿灘灘清且駛江樹搖雲煙
漸達三天都架阻窮個遺羣山合脊起碧石梳紅泉
土風直龐厚人物多豪賢函翁執牛耳諸子何蟬連
元方苑三秀含毫抽上玄偉哉中郎識寶我論衡篇
詬省媿虛薄義將金石宣

答贈程思玄

思玄美瓊玖泠泠標清識况以葭莩親結託文章伯
神精久濡染元氣受裂磔東阿早登壇爾據應劉席
辭藻紛空漏而內抱純白函中一傾蓋不言心莫逆

忽枉瑤華音
媿媿寫胸臆
徵我有道碑
高義永無泐
萱草榮北堂
荆花樹西宅
張仲稱孝友
太丘表通德
文人好慢世
欽欽士所則

荅贈程延清

延清未把握文字
託神交少年美修姱
遠意結冥寥
題書絨素鯉
江上問縉蕭
縉蕭護落子
學道躑玄超
檻外屯神霧
門前吼靈潮
溷迹自奏壤
抗志在煙霄
鳳鵠日冲舉
蟲魚徒刻雕
髮短須亦禿
安復事寥寥
成子以士古我退處君前

寄左司馬汪伯玉先生

二儀莽膠葛元氣含渾淪萬物揚藹藹歛忽歸其根
泄越道所忌至人寶沉昏亦有揭朗日煌煌照八垠
竺乾富國藏燕老垂玄言抽機灸輶出持論秋濤翻
溟沔和天倪還復收真元火德曜無我醇醪以爲殮
函翁抱上智洪河通崑崙總持會三教探委窮靈源
學道悟聖諦人尠闕藩垣直達無名始深入不二門
性命旣了徹人倫一何敦高文苑鴻暢光如衡岱尊
百代坐相失萬象咸來奔人爭希咳唾家競購瑤琨

雕彩豈不盛中有玄德存豐下協充符標峻孤霞霽
道本兼華實境將妙寂喧日余趨下風稟令奉素鞅
猶復事沖挹意氣卑溫溫偉哉大導師矢志靡敢諉
雲中墮琳札陰翳開朝暾何以荅明貺因風寄芳荃